

# Arbeidsplan for Vestland Sosialistisk Venstreparti 2024-2028



For dei mange  
- ikkje for dei få



Arbeidsplana er vedteke av Vestland SV sitt fylkesårsmøte 10. og 11. februar 2024. Framlegget vart utarbeida av eit eiga utval, nedsett av fylkestyret hausten 2023.

## Utvalet har bestått av:

- Jonas Aleksander Foldnes, leiar
- Silje Nordtveit Olsen
- Audun Syltevik
- Kristin Hartvedt
- Maximilian Ulstein (SU)

# Arbeidsplan for Vestland SV, 2024-2028

## 1. Innleiing

Det vert inga sosialisme utan organisering. For å organisere oss sjølve er det viktig at me har det same utgangspunktet og dei same målsetjingane. Arbeidsplanen skal vera eit arbeidsdokument for fylkesstyret som sikrar at dei gjennomfører det årsmøtet ynskjer.

## 2. Politisk situasjon

I lokalvalet i 2023 gjorde SV eit historisk val. Samstundes som alle venstresideparti gjekk tilbake så hald SV stand og gjorde sitt beste lokalval på 20 år. I Vestland gjekk me også klart fram og er med å oppretthalde det raudgrøne fleirtalet på fylket, i motsetnad til situasjonen i mange andre fylker.

Det betyr at fleire og fleire ser resultata av å ha SV-arar i kommunestyra, på fylkestinget og på Stortinget. Fleire folkevalde vart me òg, og no har me heile 69 folkevalde i 30 kommunar og 5 folkevalde på fylkestinget. Dessutan har me ein varaordførar og tre heiltidsfolkevalde.

Likevel har framgangen ein bismak. Høgre og Framstegspartiet vart klare valvinnarar over heile landet, særleg i Vestland. I fleire kommunar vart fleirtala deira styrka og i mange kommunar vart det raudgrøne fleirtal velta. Det betydde at mange av dei innvalde representantane våre hamna i opposisjon, som kan vere både lite motiverande for alle dei nye innvalde og utgjere ei fare for fråfall til neste lokalval.

Framover bør difor mykje av fokuset til fylkeslaget og lokallaga vere å følgje dei nye folkevalde opp, og skulere og samle dei folkevalde slik at ein får utveksla erfaring, idear og skape eit fellesskap som gjer det gjevande å vere opposisjonspolitkar og politikarar for SV.

## 3. Organisatorisk situasjon

SV er eit grasrotparti, som betyr at me er eit parti av og for medlemmane våre. For å få gjennomslag treng me folk, og dei folka me har må halde fram med å vere aktive. Då må SV vere ei lærerik, gjevande og ikkje minst ei kjekk organisasjon å engasjere seg i. Både for nye og gamle medlem.

Ein ser ein senkande tendens i tal medlemmar i frivillig organisering. Den kan ein finne i andre parti, i studentorganiseringa og i ungdomsorganiseringa. Ei mogleg forklaring er dagens sosiale og politiske klima, samt nyliberalistisk tankegong om kvar mann for seg sjølve. Difor må SV vere ei sterk kraft for fellesskap.

Verving og aktivisering av medlemmar må difor vera ei prioritering i perioden. Då må me ha ei ope og utettervendt organisering, som inviterer medlemmar, og ikkje-medlemmar, til å vere med på aktivitetar. Samstundes må ein passe på at dei som engasjerer seg ikkje brenn seg ut. For å forhindra dette, må ein sjå på korleis ein fordelar oppgåver, kutte i oppgåver som ikkje direkte skapar medlemsaktivitet og ha meir aktivitet som er gjevande.

## 4. Utval

SV er eit parti i stadig utvikling, både lokalt og nasjonalt. Me ynskjer et samfunn med små forskjellar og et sterkt fellesskap. Utval både nasjonalt og lokalt gjer ein viktig del av arbeidet for å skape ny, inkluderande politikk. Utvala må sjølve skapa aktivitet, men fylkesstyret og fylkeslaget skal legge til rette for gode og aktive utval gjennom perioden. Utvala har også moglegheit til å være med å skapa ny politikk for partiet.

### Alle utval

1. Fylkesstyret set ned utval og skal følgje opp utvala mellom anna ved at fylkesstyremedlem er representert i alle utvala.
  - a. Utvala skal setes ned ikkje meir enn to månadar etter årsmøtet, og fylkesstyret skal være delaktig i å verve nye medlemmar, blant anna gjennom ringerundar til lokallaga om nødvendig.
  - b. Utvalsleiar skal oppdatere fylkesstyret på kvart fylkesstyremøte.
  - c. Politisk nestleiar skal ha oversikt over utvalas aktivitet og hjelpe utvalsleiar å utøve deira mandat.
2. Alle utval, skal så langt det er mogeleg, være mangfaldige og representere heile fylket.
3. Alle utvala skal fremje sitt politiske område både i valkampen og i partiet. Til dømes ved å skrive lesarinnlegg, utvikle politikk og skulere fylkeslaget samt anna profilering. Før årsmøte i lokallaga og fylkesstyret skal ein passe på at politikk setjast på dagsorden, med for eksempel å skrive fråsegner.
4. Utvala møtast i hovudsak digitalt, slik at ein sikrar deltaking frå heile fylket, men utvala skal også møtes fysisk ein til to gonger i året.
5. Utvala møtest om lag seks gonger i året, og medlemmer forpliktar seg til å stille på møter så langt det er mogeleg.

### Kvinnepolitisk utval

SV skal fortsette å setje feminismen på dagsorden både i og utanfor partiet. Kvinnepolitisk utval har ansvar for å halde kontakt med kvinnebevegelsen på Vestlandet.

1. Utvalet skal oppmode og bidra til at så mange som mogleg frå SV skal delta på 8. mars-markeringar i heile fylket.
2. I Bergen skal utvalet saman med Bergen SV bidra til mobilisering 8. mars-toget og Kvinnefestivalen i Bergen.
3. Utvalet skal ta initiativ til å vere med på minst eitt arrangement på Kvinnefestivalen i Bergen.
4. Utvalet skal jobbe aktivt for at kvinner stiller til verv i partiet og som folkevalde.
5. Vere kopla på nasjonalt Kvinnepolitisk utval og passe på at aktuelle saker i Vestland også løftast nasjonalt.
6. Fremme forslag til ny politikk og stille med fråsegn til både fylkesårsmøte og årsmøta i lokallaga.
7. Til 8. mars skal Kvinnepolitisk utval hjelpe lokallaga å arrangere møter på dagen og lage liste med eventuelle innleiarar.

## Miljøpolitisk utval

SV er eit grønt parti med fokus på vern av natur. Miljøpolitisk utval skal bidra til politikktutvikling innanfor klima, miljø og natur.

1. Utvalet skal følgje aktuelle miljøpolitiske saker og markere partiet i viktige saker.
2. I samband med miljødagen 5. juni skal utvalet oppmode lokallaga om å lage aktivitet, samt passe på at SV er synleg.
3. Skipe eit arrangement i forbindelse med miljødagen 5. juni.
4. Utvalet skal ta kontakt med miljø-fagmiljøa og utvikle politikk basert på kunnskapen derifrå.
5. Utvalet skal passe på at SV er synleg i natur-, klima- og miljøspørsmål lokalt i heile fylket, ved å skrive lesarinnlegg, debattinnlegg og utvikle forslag til ny politikk.
6. Utvalet skal passe på at aktuelle natur-, klima- og miljøspørsmål løftast nasjonal der det er naturleg.

## Fagleg utval

SV høyrer til i arbeidarrørsla saman med fagforeiningane. Saman kjempar vi for eit meir rettferdig samfunn og difor er tett samarbeid viktig. Utvalet skal skapa engasjementet rundt arbeidsliv og faglege spørsmål.

1. I perioden skal utvalet fremje fagleg politikk både i og utanfor partiet. Til dømes gjennom å skrive debattinnlegg i tillegg til anna profilering.
2. Utvalet skal drive nettverksbygging og søkje å kople saman SV-arar som er tillitsvalde i fagrørsla.
3. Utvalet skal i framkant av 1. mai syte for og oppmode til lokallagsaktivitet.

4. Eit mål for utvalet skal vere å aktivt gje innspel til, skulere om og vidareformidle saker i partiet på feltet.
5. Utvalet skal ha jamleg kontakt med dei leiande fagforeiningane og delta på relevante samlingar.
6. Utvalet skal jobbe aktivt for at tillitsvalde stiller til verv i partiet og som folkevalde.

## Distriktpolitisk utval

SV vil ha levande bygder og byar og vi skal syte for berekraftige lokalsamfunn også i framtida. Distriktpolitisk utval skal jobbe for politikk rundt vidaregåande skulestruktur, helse og samferdsel.

1. Utvalet skal halde fram med å vere eit samlepunkt for SV-arar som er engasjert i dette saksfeltet.
2. Distriktpolitisk utval skal saman med fylkesstyret ta ei offensiv rolle i utviklinga av politikk som styrker distrikta, folkestyre og lokaldemokratiet.
3. Eit mål for utvalet skal vere å aktivt gje innspel til, skulere og vidareformidle saker i partiet på feltet. Både Sogn og Fjordane og Hordaland har mange små lokalsamfunn, og utvalet skal difor syte for at Vestland SV bidreg til politikktviklinga på feltet nasjonalt.

## Internasjonalt utval

Internasjonal solidaritet og internasjonal politikk er eit viktig politikkkfelt for SV.

1. Målet er å samle folk som har interesse og arbeidslyst for dette politikkkfeltet.
2. I første omgang er det eit mål å drive fram debattar innan internasjonal politikk.
3. Utvalet skal halde kontakt med både Internasjonalt utval og EU/EØS-utvalet sentralt.
4. Utvalet skal passe på at SV er synleg i viktige diskusjonar om internasjonal solidaritet og relevant utanrikspolitiske debatt.
5. Utvalet skal passe på at SV er representert på markeringar og arrangement som fremjar internasjonal solidaritet, anten ved å arrangere dem sjølv, eller stille i samarbeid andre relevante partar.

## Andre utval og nettverk

Om medlemmer er interessert i å starte andre utval eller nettverk, skal Vestland SV støtte dette. Dersom man ønsker å starte eit nytt utval, skal utvalet veljast i fylkesstyret. Deretter utarbeidar utvalet eit mandat som vedtakast i fylkesstyret.

### Tiltak

1. Vestland SV skal starte eit inkluderingspolitisk utval, som fokuserer på SV sin politikk for etnisk likestilling, innvandring, antirasisme og flyktning- og asylpolitikk.

## 5. Løpande politikktutvikling

Ved sidan av programvedtak har vi i praksis ei løpande politikktutvikling i partiet. Dette skjer gjennom vedtak på fylkesårsmøtet, vedtak i kommunane og i utvala. Særleg viktige vedtak må synleggjerast betre gjennom to hovudposter på Vestland SV sin nettside under fana «Politikk»: Fråsegner frå fylkesårsmøtet, og fråsegner frå fylkesstyret.z

## 6. Forvaltning og rekruttering

Medlemne er berejelken til ein kvar organisasjon. Vestland SV skal vere eit parti for og av folket, og difor er viktig oss med eit talrikt mangfald av menneske med ulike bakgrunnar og perspektiv og syn. Kontinuerleg arbeide for at Vestland SV alltid er ein stad der mangfaldige grupperingar av medlemmar møter eit trygt rom der deira meiningar vert høyrde og lytta til. For å oppnå det må vi arbeide systematisk for å vere tiltrekkande for nye medlemmar og motivere alle.

### Delmål

Frå 2020 til 2023 har vi hatt medlemsvekst, som me gjennom målretta arbeid vil vedlikehalde og styrke ved å rekruttere og engasjere nye og eksisterande medlemmar. Vestland SV har som mål å passere 2 200 medlemmar innan utgangen av 2024.

### Tiltak

1. Vestland SV skal både følgje opp nasjonale vervekampanjar, og lage eigne tiltak lokalt for å byggje medlemsmassen i heile Vestland.
2. I samarbeid med utvala våre, skal fylkesstyret invitere målretta mot moglege nye eller passive medlemmar når det er tilskipingar som høver.
3. I arbeidet i framkant av listestilling til kommune- og fylkesting og Stortinget, er det særskilt viktig å få fleire frå dei gruppene vi ynskjer å rekruttere inn på våre samlingar.

### Delmål

Vestland SV skal arbeide spesielt for å hjelpe dei lokallag som har mindre enn 30 medlemmar, slik at desse får høve til to delegatar ved fylkesårsmøte. Målet for perioden er at minst 5 av desse lokallaga skal ha meir enn 30 medlemmar.

### Tiltak

1. Vestland SV skal lage egne tiltak lokalt for å bygge lokallag. Til dømes kursing av tillitsvalde og økonomiske bidrag til lokallag med få medlemmar.
2. Alle nye medlemmar skal verte kontakta og ynskt velkomen av lokallaga eller fylkeslaget.
3. Alle nye medlemmar skal i løpet av det fyrste halve året bli inviterte med på medlemsaktivitet. Dersom medlemmen kjem frå ein kommune utan SV-lag kan dei koplust på eit nærliggande lokallag.
4. Vestland SV skal legge til rette for bruk av alle digital verktøy SV-sentralt tilbyr for å styrke lokallaga sin aktivitet.
5. Vestland SV skal legge til rette for tettare samarbeid mellom geografisk nærstående lokallag.

### Delmål

Nokre grupper lyt me arbeide meir systematisk mote for å tiltrekkje oss. Me ynskjer å nå ut til fleire minoritetar, og få dei til å bli medlemmar og aktive i partiet. Me lyt nå ut til fleire unge vaksne, og fagorganiserte, spesielt i distriktslaga våre.

### Tiltak

1. Fylkestyret skal saman med utvala og lokallaga arbeide for å finne kandidatar med bakgrunn frå underrepresenterte grupper.
2. I arbeidet i framkant av listestilling til kommune- og fylkesting og Stortinget, er det særst viktig å få fleire frå dei gruppene vi ynskjer å rekruttere inn på våre samlingar.

### Delmål

Det er for kommande periode viktig at Vestland SV ytterlegare styrker sin økonomi, og sitt økonomiarbeid. Å styrke lokallagas økonomiarbeid er ein føresetnad for ein god organisasjon over tid. Det er viktig at lokallaga ikkje står aleine om økonomiarbeidet.

### Tiltak

1. Informasjon om korleis ein vert givar via frivillig- kontingent ordninga skal være enkelt tilgjengeleg på Vestland SV og lokallagas nettsider
2. Fylkeslaget skal følge opp lokallagas praksis med partiskatt, og sørge for at partiets vedtekter følgast.
3. Det skal utarbeidast skuleringsopplegg i økonomistyring og regnskapsføring for lokallag.
4. Moglegheitene for inntekter frå enkelt gaver (via Vipps t.d..) skal vurderast.

## Delmål

Eit godt samarbeid med lokallaga, og lokallaga seg imellom, er viktig for å nå måla våre. Ved å vere tilgjengelege for og behjelpelege ovanfor kvarandre kan ein sikre at informasjonsflyten er god, at behova til laga vert møtt og at me alle vert sterkare.

### Tiltak

1. Arbeidsutvala i Vestland og Bergen SV skal ha to årlege møter for å snakke om sakar som rører begge partar, til dømes å koordinere arbeid, drift og dei tilsette sine arbeidsforhold.
2. Fylkesstyret skal arbeide for samarbeid mellom geografisk nære lokallag, til dømes gjennom regionale samlingar og skuleringar.

## Delmål

Fylkeslaget skal vere til stades på og vere med på å arrangere viktige tilskipingar og viktige markeringar. Det finst uendeleg mange dagar å markere, men nokre dagar skil seg ut. Til dømes er 1. mai, 8. mars og Pride viktige dagar å markere.

### Tiltak

1. Fylkeslaget skal vere med på tilskipingar og markeringar, anten ved å arrangere sjølv eller ved å delta fysisk.
2. Fylkeslaget skal vere synleg på sosiale medium, bae gjennom hyppige innlegg før, under og etter markeringar eller gjennom betalte annonsar ved store anledningar.

## Delmål

Sosiale media (SoMe) vert stadig meir aktuelt for å nå ut til veljarar og medlemmar. Dette kan vere eit verktøy for å nå breiare ut, for å spreie det gode budskap og for å få ut informasjon til medlemmar om arrangement og gjennomslag.

### Tiltak

1. Fylkesstyret skal utarbeide og vedta SoMe-plan, for å sikre at fylkeslaget er til stades også digitalt.

## 7. Skulering av tillitsvalde, kandidatar og folkevalde

SV er ein organisasjon i vekst. Ein av prioriteringa til Vestland SV vil vere å skulere tillitsvalde og kandidatar slik at dei er godt kjend med vervet dei har, samt dei organisatoriske og politiske prioriteringane til landsstyret og fylket. Det er særleg viktig med skulering i åra som ikkje er valår slik at dei tillitsvalde kan prioritere dette. Alle lokallagsleiarar og fylkesleiarar skal gjennomføra grunnskulering for tillitsvalde og få



tilbod om vidare skulering med fokus på rolla som leiar og utvikling av SV som organisasjon.

### Delmål

Vestland SV skal ha eit systematisk og pågåande skuleringstilbod. SV er oppteken av skulering i verv i denne perioden. Vestland SV vil også legge til rette for at medlem i fylket er godt skulert i organisasjonsbygging, retoriske verkemiddel, arbeid i kommunestyret og sosiale media.

### Tiltak

1. Vestland SV skal skulera ressurspersonar i organisasjonen som kan bestillast av lokallag som ynskjer skulering innan ulike emne.

### Delmål

Alle tillitsvalde skal i løpet av valperioden gjennomføra SV sin grunnskulering for tillitsvalde.

### Tiltak

1. Fylkesstyret skal delta på årleg skulering av fylkesstyret.
2. Vestland SV skal invitere alle lokallagsleiarar/bydelslagsleiarar/styret til skulering ein gang i halvåret anten som halv- eller heildagsseminar. Skuleringa kan vere digitalt eller med fysisk møte.

### Delmål

I Vestland har me mange lokallag som finn på kreative aksjonar og tilstellingar. Det bør vere eit mål at tillitsvalde skal ha kontakt med og læra av kvarandre.

### Tiltak

1. Vestland SV skal fremje vellukka dømer frå arbeid i lokallaga og fremje dette som gode dømer som andre lokallag i fylket kan få inspirasjon frå.
2. Vestland SV skal prioritera skulering på ordinære årlege møter på tvers av fylket, i tillegg til årlege regionale møter.

## Delmål

For å få mest mogleg gjennomslag må me ha godt skulerte kandidatar som stiller til val. Dette får ein ved å utveksle erfaring og ved å skulere seg.

### Tiltak

1. Vestland SV skal bidra med skulering i valkamp og rolla som førstekandidat for dei lokale folkevalde i fylket.
2. Alle folkevalde skal få tilbod om skulering i det daglegdagse arbeidet som folkevald.
3. Særleg folkevalde i posisjonar skal få opplæring frå laget i korleis forvalte ansvaret.
4. Fråsegner frå fylkesårsmøter, fylkesstyret og utval skal vere lett tilgjengeleg og synleg på nettsidene.

## Delmål

Digitale verktøy mogleggjer meir effektiv mobilisering og organisering. Dette kan betre slagkrafta vår når det gjeld å få budskapet og folka våre ut.

### Tiltak

1. Fylkeslaget bør sørge for at lokallaga som ynskjer det skal ta i bruk Zetk.in og andre digitale verktøy SV sentralt tilbyr, til dømes ressursbanken.
2. Særleg verktøy som Zetk.in, som er eit mobiliserings- og organiseringsverktøy kor ein kan organisere og melde seg på aktivitetar, må organisasjonen skulerast i, særleg fylkessekretær har ansvar for at det vert rulla ut.

## Delmål

Folkevalde skal ha tilbod om oppfølging og erfaringsdeling gjennom fireårsperioden.

### Tiltak

1. Vestland SV skal arrangere to folkevaldsamlingar (digitale og/eller fysiske) årleg.
2. Vestland SV skal arrangere digitale erfaringsmøte for eineståande folkevalde 2-4 gonger i halvåret.

## 8. Samarbeid med Sosialistisk Ungdom

Eit sterkt SU styrker partiet vårt. Ungdomane i Vestland SU er særst viktige for SV og eit godt samarbeid gjer oss betre. SU med sine mange unge, engasjerte og erfarne aktivistar ber skulevalkampen, og står dessutan for eit avgjerande valkampsbidrag for partiet.

### Delmål

Eit godt samarbeid med Sosialistisk Ungdom.

#### Tiltak

1. Fylkesleiar skal to gongar i året invitere til samarbeidsmøte mellom leiinga i Vestland SV og Vestland SU. Dersom det er naudsynt blir det teke initiativ til fleire. Utover dette skal leiinga søkje å halde god kontakt og informere kvarandre.
2. SU deltek på fylkesårsmøta med si eiga kvote og har også eigne representantar i ulike nemnder. I tillegg vert Vestland SU inviterte til seminar og samlingar i Vestland SV. Dette er viktig for å bli kjent med kvarandre, dele erfaringar og å lære av kvarandre.
3. Skape meir samhandling mellom fylkeslag og lokallag i SU og SV ved å gje SU-medlemmar i distrikta som til dømes ikkje har lag i kommunen sine høve til å velje å vera aktiv i sitt lokale SV-lag.
4. Fylkesstyremedlem og lokallagsleiarar har særskilt ansvar for å inkludera og ivareta unge medlem og SU-arar.

### Delmål

Sosialistisk Ungdom skal få god støtte under skulevalkampen og saman skal me vinne han!

#### Tiltak

1. SU organiserer og gjennomfører skulevalkampen og ber om hjelp frå SV om det trengst.
2. Fylkessekretær skal vere tilgjengeleg for å finne sjåførar og anna logistikkhjelp for å gjennomføre skulevalkampen.